

立夏时节的诗句

1.
一月厌雨声，忽逢今日晴。春从花上去，风过竹间清。睡美新茶熟，身闲野服轻。近来多坦率，客至倦逢迎。——胡俨《久雨喜晴明日立夏》
2.
渐觉风光燠，徐看树色稠。蚕新教织绮，貂敝岂辞裘。酷有烟波好，将图荷芰游。田间读书处，新笋万竿抽。——薛澄《立夏》
3.
舜柏森森拂绛霄，薰风瑟瑟动云璈。琳房遍设沉榆席，金檠齐燃绿桂膏。秘册十行开凤检，灵辉三烛驻霓旄。香飘员峤空歌歇，北斗阑干月殿高。——刘筠《立夏奉祀太一宫》
4.
青梅未了已朱樱，春尽曾无十日晴。稍欲出城问蚕麦，生愁城外杜鹃声。——方回《今春苦雨初有春半曾无十日晴之句去立夏无几》
5.
四时天气促相催，一夜薰风带暑来。陇亩日长蒸翠麦，园林雨过熟黄梅。莺啼春去愁千缕，蝶恋花残恨几回。睡起南窗情思倦，闲看槐荫满亭台。——赵友直《立夏》
6.
小楼欲不怕泥行，春半曾无十日晴。老眼看花如隔雾，只消卧听卖花声。——方回《今春苦雨初有春半曾无十日晴之句去立夏无几》
7.
渐老绿阴天，无家怯杜鹃。东风有今夜，芳草又明年。蚕熟新丝后，茶

香煮酒前。都将南浦恨，聊寄北窗眠。——杨基《立夏前一日有赋》

8.
炎官司印未十日，暑气鬻鬻著病翁。卷地吹来忽惊散，今朝还遇楝花风。
——舒邦佐《立夏后熟甚既而楝花风作极寒》

9.
春来何啻酒千瓶，百日醺醺一日醒。朱笔点诗垂欲困，黄鹂啼树急须听。
沾沙不湿收微雨，倚柱无言立小亭。芒屨稿僮人一綉，为耘恶草莫教青。
——方回《立夏明日行园无客五首》

10.
乍认东庄路不真，有桥通市却无邻。山穷借看堂中画，花尽来寻竹主人。
烂熳笊麻发新兴，留连樱笋送残春。与君再见当经岁，分付清觞缓缓巡。
——沈周《立夏日山中遍游后夜宿刘邦彦竹东别墅》

11.
满城杨柳绿依依，背著春风自在飞。却是杨花有才思，一时收拾伴春归。
——项安世《立夏日南风大作二首》

12.
吾家正对紫阳山，南向宜添屋数间。百岁十分已过八，只消无事守穷閒。
——方回《立夏五首》

13.
赤帜插城扉，东君整驾归。泥新巢燕闹，花尽蜜蜂稀。槐柳阴初密，帘栊暑尚微。
日斜汤沐罢，熟练试单衣。——陆游《立夏》

14.
绿阴铺野换新光，薰风初昼长。小荷贴水点横塘，蝶衣晒粉忙。茶鼎熟，
酒卮扬，醉来诗兴狂。燕雏似惜落花香，双衔归画梁。——张大烈《阮郎归·立夏》

15.

蜀江云里唤钩鳌，几片残花万树稠。未换征衣逢入夏，一年春事在行舟。
。——蔡汝楠《将出峡立夏前作》

16.

百忧不到酒三行，万事尽休棋一枰。梅子未黄先着雨，樱桃欲熟正防莺。
。忽惊夏向明朝立，便恐春从此地更。数蝶飞来花寂寞，乱蛙鸣处水纵横。
。——朱翌《立夏前一日登马氏山亭》

17.

黄梅青李夏方装，新绿池塘浴小鳧。此日猫头寒百玉，他时鸿喙煮明珠。
。白头偷果从渠乐，绣眼穿花不我虞。更有长愁无遣处，只今细柳映新蒲。
。——舒岳祥《三月二十九日立夏喜晴稍有自适意有自旧京来》

18.

一樽开首夏，独对落花飞。幽僻还闻鸟，清和未换衣。绿帟槐影合，香
饭药苗肥。尽日柴关启，蚕家过客稀。——蔡汝楠《山中立夏即事》

19.

归来泉石国，日月共溪翁。夏气重渊底，春光万象中。穷吟到云黑，淡
饮胜裙红。一阵弦声好，人间解愠风。——文天祥《山中立夏用坐客韵
》

20.

齐侯北海楚南海，匹马扁舟我过之。一事略如陆务观，囊中真有万篇诗。
。——方回《立夏五首》

21.

欲知春与夏，仲吕启朱明。蚯蚓谁教出，王菰自合生。帘蚕呈茧样，林
鸟哺雏声。渐觉云峰好，徐徐带雨行。——元稹《咏廿四气诗立夏四月
节》

本文链接：<https://duanjuziku.com/duanjuzi/cuye9stmq0.html>